

嘉縣志卷之三

已令吳都吳喬齡纂修

學校

附義學

附義學

粵自虞庠既建洎三代盛王莫不崇學學也者治化之本原也又古者入學必釋奠於其先聖先師唐以後獨尊孔子立廟以祀典莫隆焉獲嘉有學由來已久自宋元迄今其建置興廢之跡按籍可稽哀而著於篇俾鼓篋之士遊息其間者不忘所自始志學校學在縣治西北宋建金燬於兵元至元間儒士李偉邑人王概新其兩廡講堂既而教諭王思誠又建禮殿齋舍至

正壬辰教諭王寅重修元末復燬明洪武三年知縣焦邦
基重建景泰天順間知縣薛良邢表並加葺治成化十八
年知縣吳裕復鼎新之嘉靖十一年知縣羅浙教諭周曉
以學西逼城南衝衢移東十餘丈更新之三十一年教諭
徐廷徵偕耆民徐良等重修隆慶丁卯郡守張昇捐俸補
葺萬歷十一年知縣張一心續修三十年又修 國朝順
治八年知縣馮雲朝重修康熙二十三年知縣馮大奇捐
修雍正四年知縣壽致浦捐俸同教諭李德元訓導李仁
業等更葺之乾隆七年署縣事趙開元新東西兩廡十八
年知縣吳喬敷修尊經閣魁星樓改建崇聖祠敬

文廟周垣重建訓導也

廟制先師廟五楹前有露臺東西爲兩廡廡各十六楹前戟門門左爲名宦祠右爲鄉賢祠各三楹戟門之南爲櫺星門崇聖祠在廟後東北隅廟右爲忠義孝弟祠舊有祭器庫省牲亭神庫宰牲房俱久廢

學制明倫堂五楹在文廟後堂前爲甬道爲儀門堂東偏爲經義齋西偏爲治事齋齋久廢堂後爲尊經閣閣高三層

堂西爲敬一碑亭櫺星門東爲魁樓門內爲泮池泮橋教諭廳在崇聖祠後居堂之東偏訓導廳在敬一亭後居堂之西偏射圃在學西今已廢爲污池舊有觀德亭退省堂

會饌堂厨房庫房東西號房俱久廢

按舊志載教諭宅在育才清署門內有樂育堂學半齋
圓暘室嘉瓜堂訓導宅兩區一在進德齋門內一在修
業齋門內此三齋已盡頽廢今之崇聖祠即育才清署
遺址魁樓內隙地則昔之進德修業兩齋也

明學士林文重修廟學記衛輝之獲嘉本新鄉縣地國
朝洪武十四年始分新鄉置獲嘉編戶不滿千室汴北
小邑也儒學在縣治西其始建歲月舊記毀於兵燹無
從而考廟有大成殿有兩廡有戟門有櫺星門有祭器
庫有神厨學有明倫堂有後堂有兩齋有學門有射

有學舍有會饌堂亦云備矣歲久頽圯凡吏於斯者
以地瘠民貧艱於修葺因循歲月而去問有以能稱者
惟簿書期會徵調供億奔走逢迎之是事而留心於學
者蓋鮮景泰四年和陽薛君良來吏是邑首謁 聖廟
顧瞻屋宇風雨不蔽退謂師生曰是爲風化所先之地
其可以傳舍視之乎慨然以重修爲己任爰節冗費勸
殷民尚義者出資市材陶瓦命工撤而重建焉朽者易
之舊者新之側者正之狹者廣之卑者高之塑象儼若
屋宇宏壯丹碧鮮明景泰五年秋八月興工是冬十二
月告成教諭袁君岳訓導湯君一敬走書求余記予惟

我太祖皇帝有國之初內而京師外而府州縣皆立廟祀孔子誠以其道有裨政治也有民社寄者於此不知務雖有卓越之才所治抑末矣若薛君可謂知本歟自是厥後爲師者必以是教爲子弟者必以是學庶幾無負賢令崇重之意設或教與時違學與道戾惟利祿是媒實非所望焉君字宗善由科目歷兩州學正用薦陞今職天性至孝博學清慎其治邑課農桑弭盜賊息訟訟早不爲災蝗不入境善政皆可書廟學之修特其大者耳

少詹劉健記方今天下之制凡府州縣必有學學必有

廟肖孔子及群賢像祀之蓋學之歸在明道孔子自
皇以來道之大備者也祀孔子於學使學之徒有所瞻
依所以示進修之歸敦風化之原也衛輝府獲嘉縣廟
學歲久且壞餘姚吳君裕知縣事三年乃克次第新之
廟自大成殿而下東西廡神之厨庫櫺星戟門以楹計
凡二十八學自明倫堂而下東西齋退省會饌堂觀德
收糧亭及諸生之號厨庫之舍以楹計凡六十既成以
嘗出予門下書來徵記學在縣西北隅蓋宋元以來舊
址入國朝洪武三年知縣事熊君邦基始闢灰燼重建
之自後知縣事者若劉君信薛君良邢君表鄭君福皆

有興作然不過補其敝漏而已至吳君相其地之吉乃移北舊址十丈許悉撤舊爲新煥然有加計其工可謂大矣吳君成化壬寅來知縣事而寧之新以甲辰三月其成以丙午四月方是時瀕河之南北民大飢道殣相望傍縣之吏奔走旦暮民猶以飢告而吳君從容舉此大役事集而不勞語其時又可謂難矣然予嘗詢之縣人而知其故凡今郡縣吏於興作輒因之有所竊取否則昧於付托而見竊於人大率施於工役者十之四五耳吳君自始至謁廟即以興廢墜爲已任積其公私之美餘凡再踰年且市材陶瓦鳩工之事皆擇胥徒之廉

讀者付之無絲毫乾澀與此太役於飢渴之時
無難也吳君字天 成化辛丑進士繫籍京師所交遊
盡天下名士夙有抱負其在獲嘉善政甚多而首廟學
示諸生以進修之歸用敦風化之原尤爲可書一時僚
案若縣丞孫君懋李君鐸文君翰主簿趙君徵劉君泰
典史王君貫父實相左右贊成其事故并書之以示其
縣人及後之爲縣者

僉事李濂記古之王者建國君民教學爲先慨自三代
而下罔知攸重粵若漢歷五世始立太學宋歷四世而
州郡始自學我皇 立郡縣學於 之明年卓然復

古庠序制云河南省懷嘉縣學宋元時在城西北隅國朝洪武三年知縣熊邦基因舊址修之迨成化丙午知縣吳裕重修之歲久敝壞且西近城門南衝直衢爲堪輿家所忌迨嘉靖壬辰生員士連陳愷謂諸同學生員吾輩肄業於斯而廟學敝壞如此非所以妥靈而育材也盡告諸吾黨之尚義者各量力出貲新之乎僉曰諾於是聞而應者五十餘人得白金一千有奇教諭周曉乃聞諸當道下令獎成督工者則輝縣主簿任經寧山衛百戶蔣騰省祭官王讓咸夙夜勤勞弗怠厥事而知縣羅浙調度惟謹學之址稍移東十餘丈以避衝逼

建櫺星門門之內爲泮橋橋之北爲戟門戟門之內爲大成殿殿之後爲明倫堂堂之後爲文魁閣閣之右爲啟聖祠祠之前爲敬一亭亭之前爲號房若干牖其左則博士宅而宅之後則會饌堂落成於癸巳十月規制宏敞視昔有加丹青黝垺煥然改觀廟學於是一新矣維時撫臺一溪簡公按臺汶濱蔡公咸嘉之凡有助斯役者勞勸有差焉命亟徵文以紀其事於是教諭姚顯虞訓導王朝儀宗蘭縣丞姚夢龍主簿張藩典史龍大春介生員呂經徐宗祐走書於瀛請爲記瀛不敏敢告多士曰爾多士睹學宮之敝壞而倡議新之是已盍亦

思所以自新乎語曰居家理故治可移於官爾多士勿以舉業奪志詞章妨功澡雪一心維新厥德修諸身驗諸家以爲他日治平之本庶幾哉無愧於士矣不然飾外而遺內非所望多士也若夫尚義之姓名暨出貲之多寡則皆刻之碑陰

教諭陳禹謨記獲城倚山面河而黌宮居西北隅地最隆阜創自熊公邦基以來後先頽圯葺治若相環而治不勝圯詳在邑乘越萬歷辛丑冬不佞承之至則廟且圯甚矣廢者十二三存亦絕無完堵慨然計秋新之

以壬寅春二月經始鄉薦紳先生一時翕集助經始
千諸生及一二尚義者間亦有所輸爰陶土作火齊瓦
盡撒朽蠹易以堅良卑者舉之高者抑之隕敝者改築
失次者移置廢闕者興復而鼎建之文以續藻繚以垣
墉樹以栝栢鑿池濬井并設屏監門曲備經制其前爲
櫺星門文輪礎柱巘若飛翥左右壁皆鏡花琉璃南合
甄爲屏而龔之門內即泮池石楯而梁其中池右井名
文源汲水溉池可蒔藕花稍北爲戟門鄉賢名宦祠列
其兩掖入則城壚齒齒庭中檜栢蒼翠可把大成殿三
楹巋然中峙䟽檻桁梧層檻曲栢皆流彩塗丹欽艷耀

日兩廡三十餘楹長廊相繞殿後即明倫堂東西爲門者各一南向爲門者三堂五楹左右經義治事齋亦皆五楹此悉因舊而規新之者也堂後爲尊經閣高四十二尺廣同之邃三之二層凡三高甍飛欄陽馬四起回欄複檻鳥企山立朝暉夕霞互爲映帶太行秀色與時濃淡曠然流覽極目千里爲河朔間一偉觀此創建中最鉅者也堂之西有殿三楹乃國初時先師廟制小而工遷學後改爲敬一亭造敬聖祠於其北祠圯幾廢亭僅小類乃葺亭爲祠移故祠於南更制爲敬一亭亦木垣屏自成一區此因舊而易置之者也儒學在文廟左

門制視昔稍抑而壯麗倍之學道四十餘武周坦右楹
左堊綠槐夾道清蔭襲人內外門屏相望南向直道而
門者爲育才清署西向而門者爲進德修業二齋從署
入爲學半齋齋後爲樂育堂楹皆三堂之東偏爲元明
室楹一此則以創建之緒業及之者也至卜子夏劉知
幾祠與會饌堂學田學舍射圃觀德堂限於縉錢不繼
蓋有志而未逮焉役竣諸生請伐石爲記且歸功于余
余曰此賢守令之惠也余何功之有焉雖然昔守令若
士民詎不知崇學校乃蒿菰是愛穢壤是甘坐令剝落
無完堵至幾爲畜牧場抑何憊也蓋主者困於簿書有

所未遑而况舉羸於時詘中役於疲民勢尤易賈怨夫
是以任事者輒見謂難不佞獨計天下事難易何常人
任之則集設我諉其難屬誰爲任且人之好逸誰不如
我人我遽諉是舉天下事終無可爲也今日之役是已
竊不揣起而創爲之賢守令若士民深相見信而獎成
之其事不需歲月其用不資苛歛不任受怨亦不任受
德及臻厥成而宮牆生色儒紳作氣望而知爲人文日
盛之區也至不待就圮而時其飭新并益其不足則所
望後之君子哉是役也當事者三環餽金則郡伯何

一發舍穀則署府事

一發夫役工

徐公郡幕陳公若夫躬爲料理時給錢穀俾工無怠事
車足任載迄於落成者則管縣事郡丞張公其他薦紳
先生及士民之樂輸者某某各所捐如干數皆勒諸碑
陰用垂不朽

陳禹謨重修明倫堂記建學而設之堂以聯師儒在兩
雍稱彝倫在鄉學稱明倫要以陳常時夏陶鑄士林甚
盛典也獲之庠創自熊公邦基徙於吳公裕而堂隨之
凡五楹迨世廟十一年寧山衛王崔二姓曰璉曰楫者
實捐貲新之越今上御宇之壬寅垂六十餘禩而堂之
圯甚矣不佞至則竊嘆曰武夫力而修諸前章縫坐而